




Uttale til planinitiativ på Haugstad gbnr. 464/32 m. fl.

Det er ikkje offentleg kloakkanlegg i området.

Innanfor planområdet er det hovudsakleg fritidsbustadar, men her er også to einebustadar og eit våningshus nytta som fritidsbustad. Bygningsmassen i planområdet er av varierende alder. Dei første fritidsbustadane vart etablert på 60 talet og det har kome ei rekke nye fritidsbustadar til i dei seinare år.

Avløpssituasjonen innanfor planområdet er i dag ein kombinasjon av nyare godkjente minirenseanlegg og eldre avløpsløyser (slamavskiljar) som er etablert etter den tids regelverk. Her er truleg også eldre fritidsbustadar som har avløpsløyser som ikkje er i samsvar med nyare regelverk.



Nordhordlandskart 2021. Grøn firkant = minirenseanlegg. Lilla sirkel = slamavskiljar.

Radøy kommune vedtok 01.09.2020 lokal forskrift om utslepp frå mindre avlaupsanlegg. Haugstad vart då registrert som utsleppsone der det er krav til reinseklasse 1, som i praksis betyr at nye utslepp skal etablerast som minirenseanlegg i minimum reinseklasse 1.

Sidan sjøresipienten ved Haugstad er ein dårleg med lågt oksygeninnhald og lite vassutskifting er dette definert som eit følsamt område. Statsforvaltaren har stadfesta



at kommunen skal handsame utsleppsløyve etter Forureiningslova § 12-8 Utslepp til følsamt og normalt område.

Taulsvågen er ein del av Lurefjorden og Lindåsosane. Det marine området er verna etter forskrift om vern av Lurefjorden og Lindåsosane. Området er etter § 3 i forskrifta verna mot tiltak som kan skade verneverdiane,

§3 c) Området er verna mot tiltak og inngrep som kan skade verneverdiane som t.d. etablering av ulike typar anlegg, utfylling, byggeverksemd, plassering av konstruksjonar på sjøbotnen, andre varige eller midlertidige innretningar, legging av røyrleidningar og kablar, utføring av avløpsvatn og andre konsentrerte tilførsler av ureining, mudring, uttak og deponering av masse, sprenging, boring, utslepp av kjølevatn frå land, omrøying av vassmassar og oppankring. Forsøpling er forbode. Opplistinga av tiltak er ikkje uttømande.

Konklusjon:

Ved utarbeiding av VA-plan for området må ein legge til grunn at sjøresipienten er av dårleg tilstand og ein må legge opp til sanering av dei avløpsløyvingane innanfor planområdet som ikkje har høg grad av reinsing (tilfredsstiller krava i Forureiningslova § 12.8.

Statsforvaltaren set også krav om at legging av kablar og røyrleidningar i sjø, skal så langt som mogleg samlast i korridorar.

Eigedomar som allereie er etablert med minireinseanlegg oppfyller dagens krav til høg grad av reinsing og kan av den grunn behalde slik løysing.

Frækhaug 27.09.2021

Hogne Askeland

Avdeling for miljø og tilsyn